



АМАЛАЛЕН КОСМИКАНЕ

Амалален космикане,
со синиен астражидес, късканжидес...
Чачес туме драбарен о лил девлано, ящиме!
Устунялес икерен о харфес, о шампи,
Ан амаре вогя, о баш гаравдо-гаравдипе...
Парамиси!

Дали туме, жанен амари парамиси манушикани?
Ама залисиме, ккувде анди космикани брев барикани
тапълдинен лакоро сомнакуно агор, о чачуно жевапи!?
Дали иси лен - ме ппувяле амален, чадиме катар о
проблемно кърториба, грами хакикатлипе, ден ли ппарярд
фроли, хакикатно пихиба е пореске, кушло катар о погя
е дуккаке андо учипе упралдуно!?

Нанай те дав панч парес ако о пор хохавел амен харизи.
Ако на подвазел амен е гогяверипнаса хондиба катар и Сафо;
О римес катар о Пушкин; Лорка! - поетия девлане, баре!
Тай и любов патиме катар о поети, ек, баро Пею Яворов, орисия!

Асвин! Ме трине-щаре амаленге “Разччивте рома”...
Племеске, сои, жинси, фамиля тай дайорин!? Дук бихрамоме!
Дано нисар къскандимнаса тай астражимнаса те на отнаккен!
Ан мо ило и еккори, ппарярд, ухтавутни ладия дехимнаске тай любов!
Те на вакерен лаке, кай си бабахтали, битребутни ашал атте тай околе
дуйняске!

Тогава... Амалален кисмикане...
Ппанден о лил - е животоскоро романи!
Тай аччовен, тумаре пореса-любов тай дехиба те храмнен лес!
Ама, поне ма мукен амен кашуке, коре тай биилале!

Ма прелен ме амален дехиме мандар, ме ппиравнес...
Ка драбарав ан тумаре вогия о лафя-биворбутне, думес
ясна. Ка билан сар ивалинкес дехиме мандар!
Галимнастар лунго чириклендар, пребиянде рома...

Галиба коркоробияндо ашал тай катар о жене
Девлане!
Акана, он си тумаре! Жикате пор лави наккавел! Лен лен!
Лен лен! Амалален космосикане! Приминен лен!
Бахтале те овен! Тумаре благословияса! Амалален!

